



**Nangariyauyuq Nellie T. Kusugak
Kamisinauyuq Nunavunmi**

Itqumayumik Uqagiiktukhaq Katimavianni

Iqaluit, Nunavut

Apitilirvik 18, 2015mi

Iningniit, Hivulliqli, Uqaqti, Ilauyununlu Maligaliuryuarvingmi,
Kavamangitlu Kanatami ilauhimayut, ilautquyauvakhimayut inuit kituliqaak
inuitlu Nunavunmi.

Quana Hivulliqli Taptuna pidjagiktumik uqaqtangnik, Uqaqtitiyi Qulaut,
quviagiungalu Uqaqtiulualigavit uvvani katimayuarutmi.

Anginirmik nangadjutitigun pittiaqnikkutlu angirutiniaqtaga una havaaqhaq.

Quyagiumayaga angyuga, nayaga, panitka Aliisa Uvinik, Alana Papaaqlu,
biipiinuagalu Special, inngutaga, ningauga, uyura, qangiaga, ukuaga,
ilaruhitkalu. Quviahukpiaqtunga hamaniiqatigiyaingna.

Jose ihumaminiituuq. Mamianaugaluaq angayuqaatka, irniga, ukuaga,
inuuqatigiyaatka, allatlu ilaruhitka ilannatkalu hamaniiqatigingitun. Kihimi
umatimniituhi.

Quviahuktunga ilauqatiginiyaqtaga tamainun Nunavunmiut.

Kamisinauyaangat Nunavunmi mikinirmik havaaqangituuq ihuaqtumiklu
havagumayunga havaaginiaqtamingnik havaqatigiyaangatlu tamaita
Nunaqyuaptingni hivuliqtiuyut taima tautuktitiyaangat katimaqatigiiknikkut

pihimayaangatlu uqauhivut, ilihimayaptingnik pitquhiptingnik
ihuarutikharniklu tamainun Nunavunmiunun.

Tallimautilunga Kamisina Nunavunmi tunngahuktitiumayunga tamainun
Nunavunmiunun. Kamisina, Kavamangit Kanatam angiyukhiit ilauhimayut
Nunavunmi, katitirutiuyut akunnganiituaq kavamanmi ilipfingnunlu,
inungnun Nunavunmi. Nigiuktunga havagiangat havaaginiaqtatka
angmaqtigiyaangat umiktitiyaangatlu katimaryuarniaqtunik
Maligaliuryuarvingmi, tunihimaaqlungalu angirutikharnik maligakhanun
maligarniklu itqumayumiklu uqaggiiktukhanun nuutaanguyut talvunga
Maligaliuryuarvingmun. Kihiani, ilautqugiaqaqtangma ilauyaangat
akhuqnaqtunik hulilukaarutiniaqtangnik nunalaaptingni. Ilauyumainiaqtunga
hulilukaarutiniaqtangni quviahuutigiyaaangatlu inirtiqlhimayangnik iliptingni.

Kamisinauplunga, ihuaqtumik tuhaadjutikharnik piqaqniaqtunga
havaqatigiyaangat ihuaqtumik, ilauniaqtunlu havaktiit taima
quvianaqhivaktun ikayukhimaapaktunlu tikkuaktauligama. Titiraqhimayuq
quviagiyauyuhilu. Quayagiumayatkalu kanatam kavamangit havaktiit,
tamnaluaq kihimi Martha, ikayuktiga. Quana!

Hamaniiliktunga ublumi ikayuutigiyangnin. Quayagiumayunga ilipfingnun
itqumayagiyanganik uvamnin. Aglirutaqtunga hamaniiqatigiyuhi uvamnun,
taimainiklu Nunavunmiunun. Quayagiyahi tamapti umatimni.

Aulahimaaqtumik ikayuutikharnik, uqautiukharnik, malikhautikharniklu
ilaruhiptitigun, Iningnikharnin Nunavunmiutaminlu, havakhimaaqniaqtun
akhut Kamisinauplunga Nunavunmi talvuuna pittiaqnikkut, nangadjutitigun,
pidjagiknikkutlu.

Quyagifaaqahi, Godmin munaqtiaqpakluhi tamapti!